

Ժողովուրդ

145
(2625)

13 հոկտեմբերի հինգշաբթի 2022
տպագրության ժԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՎ ՓԱՇԻՆՅԱՆԸ ԽԱԲԵԼ Է ՄԱՍ 111



2019-ի մայիսի ութին (այդ օրն, ի դեպ, Շուշիի ազատագրման օրն է, ու հայ հասարակությունը դեռ եռատոն նշելու սիրտ ու տրամադրություն ուներ) այդ ժամանակ արդեն մեկ տարվա ստաժով վարչապետ Նիկոլ Փաշինյանը կրկին, նորից, երիցս, հերթական անգամ ու առանց հոգնելու խոսում էր իր թերեւս ամենասիրելի թեմաներից մեկի՝ բանակում զինվորին «շապիկ, ներքնազգեստ» տալու մասին: Փաստերից 13-րդը հետեւյալն էր. «Ժամկետային զինծառայողներն այլեւս ապահովված են բարձրորակ շապիկներով եւ կիսավարտիքներով: Առաջիկայում էական փոփոխության կենթարկվի զինվորականներին տրվող հագուստի, կոշիկի որակը».- նշում էր նա:

Օրերս, երբ արդեն ոչ թե մի քանի տասնյակ լրատվամիջոցների ու լրագրողների, այլ սոսկ Հանրային հեռուստաընկերության հարցերին էր պատասխանում, պարոն Փաշինյանը երիցս պնդեց՝ բանակը որեւէ բանի կարիք չունի, բայց բոլորս էլ ՀՀ քաղաքացիներ ենք, բանակում մեր եղբայրները, զավակները, ընկերները, հայրերն ու հարազատներն են ծառայություն անցնում, որոնց հորդորով, խնդրանքով ու անգամ պարտադրանքով քլունգ էլ, բայ էլ, գուլպա ու շապիկ էլ մարդիկ ուղարկում են առաջնագիծ, դեռ չհասած 2020-ի լայնամասշտաբ պատերազմի մասին, երբ զինվորական հոսպիտալներում անգամ լարանի, բինտի ու պինցետի խնդիր կար: Փաշինյանի մեծամեծ պնդումները, թե բանակը որեւէ բանի պակաս չունի, ոչ այլ ինչ է, քան պարզագույն սուտ:

Ի դեպ, առավել քան զավեշտալի, տարօրինակ ու անտրամաբանական է Փաշինյանի այն հրահանգը ՋՈւ հակահետախուզությանը, որ պետք է ստուգեն, թե բանակի համար փողոցում բահեր ու շապիկներ հավաքագրողներն իրականում ինչ են անում հավաքագրած ապրանքը: Բանակը, փաստորեն, ամեն խաղ խաղացել էր, հիմա էլ իր՝ առանց այն էլ քիչ աշխատավարձից գումար տնտեսող ու զինվորի համար գուլպա գնող տատիկ-պապիկներով ու դրանք հավաքագրող երիտասարդներով պետք է զբաղվի:

Ինչպես հայտնի է, Եվրամիության դեսպանները համաձայնել են Հայաստան ուղարկել քաղաքացիական առաքելություն, որը պետք է տեղակայվի Ադրբեջանի հետ սահմանի երկայնքով՝ վստահությունն ամրապնդելու եւ դելիմիտացիային նպաստելու համար. այս մասին հայտնել է «Ազատություն» ռադիոկայանը: Նկատենք՝ Եվրամիությունը քաղաքացիական առաքելություն ունի այս պահին 11 երկրներում, այդ թվում՝ հարեւան Վրաստանում, 2008 թվականի ռուս-վրացական պատերազմից հետո: Սովորաբար պրակտիկա կա՝ առաքելության ժամանակը երկար չի տևում մոտ երկու շաբաթ: Անդրծենք՝ քաղաքացիական առաքելության անդամները չեն կարող իրենք հատել սահմանը եւ պետք է տեղակայված մնան, դիտարկումներ անցկացնեն միայն այդ վայրում: Դիցուք, մեր պարագայում առաքելության անդամները չեն կարող անցնել Ադրբեջան, քանի որ կարող են ենթարկվել ագրեսիայի կամ գերեվարվել, ինչպես ՀՀ քաղաքացիները: Նրանք զինված չեն, հետևաբար չեն կարող այդ առումով ազդեցություն ունենալ, եւ նրանց առաքելությունը միայն միջնորդական է: Օրինակ՝ եթե ինչ-որ խնդիր առաջանա, ապա նրանք կարող են զանգել ադրբեջանական կողմին եւ փորձել ընդհանուր հայտարարի հասնել, կարող են հենց սահմանին պարբերաբար հանդիպումներ կազմակերպել երկու կողմերի միջև: Այն հանգամանքը, որ Ադրբեջանի նախագահ Իլհամ Ալիևն ասել է, թե ինքը կաշխատի առաքելության հետ այնքանով, որքանով կառնչվի Ադրբեջանին, չի խանգարելու աշխատանքին, քանի որ, այսպես, թե այնպես, նրանք տեղակայվելու են հենց ՀՀ սահմանին: Առավտից մինչև երեկո նրանք պետք է մշտադիտարկումներ անցկացնեն, եթե խախտումներ լինեն, արձանագրեն դրանք, ոչ ավելին: Շատ կարեւոր հարց է, թե որտեղ պետք է կանգնեն այդ դիտորդները: Հայաստանը պետք է պահանջի, որ նրանք տեղակայվեն այն տարածքներում, որը եղել է մինչև 2021 թվականի մայիսի 12-ը, երբ ադրբեջանական զորքերը մտան ինքնիշխան ՀՀ:



«Ժողովուրդ» օրաթերթը իր լավատեղյակ աղբյուրներից տեղեկացավ, որ ՀՀ քաղաքացիական կոմիտեի հատկապես կարեւոր գործերի քննության գլխավոր վարչությունում վերսկսվել է Նիկոլ Փաշինյանի, Արթուր Վանեցյանի եւ Սասուն Խաչատրյանի հեռախոսային խոսակցություններն ապօրինի ձայնագրելու եւ համացանցում տարածելու դեպքի առթիվ հարուցված քրեական գործով քննությունը: «Ժողովուրդ» օրաթերթը գրել էր, որ նախկինում քննիչները չբացահայտված քրեական գործերը կասեցնում էին. հիմա ամեն ինչ այլ է: ՀՀ քրեական դատավարության նոր օրենսգիրքը հստակ սահմանում է, որ կան քրեական վարույթը կարճվում է, կան որեւէ մեկի նկատմամբ քրեական հետապնդում է հարուցվում եւ մեղադրական եզրակացությամբ դատարան է ուղարկվում: Այսինքն՝ ՀՀ քրեական դատավարության օրենսգիրքը այլեւս չբացահայտված քրեական վարույթների կասեցման իրավական ընթացակարգ չի նախատեսում: Եթե նախկինում քննիչները քրեական գործերը կասեցնում էին ու գցում տարիներով իրենց «սեյֆերում», ապա հիմա պետք է քննությունը շարունակեն: Հիշենք, որ 2018-ի սեպտեմբերի 11-ին համացանցում էր հայտնվել ԱԾՆ նախկին տնօրեն Արթուր Վանեցյանի եւ Սասուն Խաչատրյանի հեռախոսագրույցի գաղտնալսման գործը, որը հետագայում կարճվեց՝ հանցակազմի բացակայության հիմքով, իսկ վարչապետ Նիկոլ Փաշինյանի, Արթուր Վանեցյանի եւ Սասուն Խաչատրյանի հեռախոսային խոսակցություններն ապօրինի ձայնագրելու եւ համացանցում տարածելու դեպքի առթիվ հարուցված քրեական գործը կասեցված էր: Այժմ կվերսկսվի այս մասով քննությունը: Թե ինչ ավարտ կունենա, թերեւս դժվար չէ կանխատեսել:



Հայաստանի առևտրի խոշոր կենտրոնները խոշորացույցի տակ են: «Ժողովուրդ» օրաթերթը տեղեկացավ, որ ՀՀ քաղաքացիական, տեխնիկական եւ հրդեհային անվտանգության տեսչական մարմինը ստուգումների շարք է սկսել Երեւանյան տոնավաճառներում: Մեզ հայտնի դարձավ, որ օգոստոսի 14-ին տեղի ունեցած ուժգին պայթյունից հետո «Սուրմալու» առևտրի կենտրոնում տեսչական մարմինը նորից ստուգումներ է իրականացրել: Այժմ ստուգման արդյունքներն ամփոփման փուլում են, առաջիկա օրերին հայտնի կլինի՝ «Սուրմալու»-ն փակվելու է, թե շարունակվելու է աշխատել: Չի բացառվում, որ դադարեցվի առևտրի կենտրոնի գործունեությունը: Բացի այս, «Ժողովուրդ» օրաթերթը տեղեկացավ, որ ստուգումներ իրականացվել են նաեւ Մալաթիայի տոնավաճառում: Տեսչական մարմինը փոխանցեցին, որ բոլոր այն օբյեկտները, որոնք 2021 թվականին ստուգվել են, կարգադրագրի ժամկետները լրացել են, տեսչական մարմինը նորից ստուգում է իրականացնում: Շուտով կստուգվեն նաեւ մյուս առևտրի կետերը, այդ թվում՝ «Գնունի» շուկան: Նշենք, որ ավարտվել են «Փեթակ» առևտրի կենտրոնում իրականացված ստուգումները, ինչի արդյունքում գործունեության դադարեցման որոշում է կայացվել:



ՔԱՂԱՔԱԿԱՆ

ՊԵՏՔ Է ԱՏՈՐԱԳՐՎԻ

ՈՐՈՇԱԿԻ ԱՆՐԱՄԱՁԱՅՆՈՒԹՅՈՒՆՆԵՐ ՈՒՆԵՆ

Վարչապետ Նիկոլ Փաշինյանը երեկ հոկտեմբերի 12-ին, կառավարությունում հանդիպել է արտախորհրդարանական ուժերի հետ: ArmLur.am-ի հետ զրույցում Հայաստանի եվրոպական կուսակցության նախագահ Տիգրան Խզմալյանն ասաց, որ Փաշինյանի հետ հիմնականում Հայաստանի արտաքին քաղաքականությանն ու արտաքին վեկտորի հետ կապված հարցեր են քննարկել: Նրա փոխանցմամբ՝ թեև որոշակի անհամաձայնություններ ունեն Ադրբեյջանի հետ խաղաղության դաշինքի կնքման հարցում, բայց հասկանում են՝ այս դաշինքում ու այս իրավիճակում միջանկյալ ինչ-որ փաստաթուղթ դեմ է ստորագրվել:



«Պարոն Խզմալյան, Ռուբ հանդիպում եք ունեցել վարչապետ Փաշինյանի հետ: Որպես արտախորհրդարանական ուժի ներկայացուցիչ՝ ինձ հետաքրքրում է՝ ինչ հարցերի շուրջ եք զրույցել նրա հետ:

«Մենք զրույցել ենք մեր վերջին հանդիպումների մասին: Քննարկել ենք նրա արտաքին քաղաքական քայլերը Նյու Յորքում, Փարիզում, Պրահայում, եւ ընդհանուր խոսակցությունը վերաբերում էր այդ հարցերին: Քննարկեցինք, մեր կարծիքները հայտնեցինք եւ համեմատեցինք մեր մոտեցումները: Հայաստանի եվրոպական կուսակցությունը Արցախի եւ Հայաստանի համար իր աջակցությունն է հայտնում Արեւմուտքի հետ մերձեցմանը եւ ընդունելու միտքով: Միտքով կառավարության քայլերին:

«Իսկ Ռուբ տեսնում եք, որ կառավարությունը իսկապես գնում է մերձեցման քայլերի Արեւմուտքի հետ, թե պարզապես արտաքին շղարշ է:

«Մենք դա տեսնում ենք եւ համոզված ենք դրանում: Դա ոչ միայն մեր կառավարության բարի կամքն է մեզ թելադրում, այլ այն, որ քաղաքական վերլուծությունը ցույց է տալիս, որ Արեւմուտքի շահագրգռվածությունը դրանում մեծ է, եւ այդ շահագրգռվածությունը տեսնելով՝

մեզ ավելի մեծ վստահություն է ներշնչում:

«Հետեւաբար ի՞նչ եք կարծում, այս կառավարությունը ավելի ընդգրկված կլինի՞ եվրոպական հարցերում ձեր տեսակետը նկատի առնելով:

«Ես վստահ եմ եւ ասել եմ՝ մենք աջակցում ենք այս քաղաքականությանը ոչ այն պատճառով, որ մենք ենք ընդունել այս կառավարության դիրքորոշումը, այլ կառավարությունն է ընդունել այն դիրքորոշումը, որ տարիներ շարունակ արտախորհրդարանական կուսակցությունը:

«Այս օրերին հաճախ է խոսվում Ադրբեյջանի հետ, այսպես ասված, խաղաղության պայմանագրի ստորագրման մասին: Թե՛ Հայաստանի կողմից, թե՛ Ադրբեյջանի կողմից մամուլի եւ հասարակության հիմնական խոսակցությունը դա է: Այս հարցերի շուրջ ի՞նչ խոսակցություններ եք ունեցել Փաշինյանի հետ:

«Մենք ունենք անհամաձայնության եզրեր այդ հարցում, բայց սկզբունքորեն

մենք համարում ենք, որ որեւէ միջանկյալ լուծում պետք է: Մենք հասկանում ենք, որ աշխարհաքաղաքական զարգացումները շարունակվում են, եւ տեսնում եք՝ ինչ է կատարվում ռուս-ուկրաինական պատերազմի արդյունքում: Մենք հասկանում ենք, որ դա բերելու է անխուսափելի քաղաքական փոփոխությունների: Նման պայմանագիրը, որը կանվանենք խաղաղության պայմանագիր կամ այլ կերպ, այս պահին կհամարվի ընդունելի: Եթե Հայաստանը հետեւողականորեն լինի ժողովրդավարական զարգացման ուղղությամբ, ապա գնալով ժողովրդավարական պետության եւ բռնապետական Ադրբեյջանի քաղաքական դիրքերը եւ քաջը միջազգային ասպարեզում գնալով ավելի են տարբերվելու՝ ի օգուտ Հայաստանի: Մենք տեսնում ենք այս խաղաղության պայմանագրի մասին խոսակցությունները՝ որպես անհրաժեշտ դիվանագիտական փուլ:

Ձրույցը ՍԵՎԱԿ ՎԱՐՈՒՄՅԱՆԸ

«ՍՈՒՊԵՐՔՎԱԿԱՆՈՒԹՅԱՆ»

ԱՌԱՆՑ ԻՆՏԵՐՎԵՐՎԻ ԵՎ ՍՈՒՐ ՔՆՆԱԴԱՏՈՒԹՅԱՆ

«Ժողովուրդ» օրաթերթը գրում է. «Վստահաբար կարելի է դնել, որ Երևանի նախկին քաղաքապետ, կասկերգակ դերասան Հայկ Մարությանի մոնոներկայացումը բավականին շեղվել է նախնական սցենարից: Ներկայացման նախնական անոնսից, որ բավականին անհանգստացրել էր քաղաքական դաշինքի որոշ անդամներին, բայց փոխարենը մեծ ինտերես առաջացրել հասարակության մոտ, բուն ներկայացման մեջ միայն Մարությանի ձեռքի արկերն էր մնացել, ինչն էլ զրկած բեմ է մնում, ակնհայտ նայում իր իսկ՝ քաղաքապետի երդմնակալության օրն արված լուսանկարին ու բացականում անասուն էլի:



իրեն ուղարկված ծայրային հաղորդագրություններն օգտագործել, բայց նախկին քաղաքապետը, ըստ երեւոյթին, վախեցել կամ կաշկանդվել է նման քայլի գնալ ու բավարարվել է՝ սոսկ ներկայացման մեջ կեղծ voicer տեղադրելով: Բեմադրության մեջ թե՛ Նիկոլ Փաշինյանի, թե՛ Աժ նախագահ Ալեն Սիմոնյանի, թե՛ կառավարական կաբինետի ներկայացուցիչների, թե՛ Աժ պատգամավորներից որեւէ մեկի ու թե՛ անգամ Էդմոն Մարուքյանի մասին թառ խոսք, սուր քննադատություն կամ սարկազմ չկար: Հանդիսատեսն անստամ այս ներկայացման մեջ ոչ միայն ինտերվյու, այլ

տողատակեր կամ ելույթներ չի կարող տեսել կամ գտնել. դրանք պարզապես բացակայում են:

Եթե կարճ բնութագրելու լինենք Մարությանի մոնոներկայացումը, ապա, միանշանակ, ինտերվյուների սպասումով տոմս գնող հանդիսատեսի հույսերը չեն արդարանալու. այնտեղ, բացի «թեթեւի մեջ» խայթոցներից թե՛ նախկինների, թե՛ նորերին, ուրիշ ոչինչ չկա: Սա ավելի շատ ինքնամաքման ակտի նմանվող բեմադրություն է, որտեղ Մարությանը, ինչքան հնարավոր է, փորձում էր իր իսկ սահմանած սպիտակ քողի ներքո հանդես գալ:»



ԿՐԱՏԿԱՑՆԻ ԳԱՏԱԽԱԶՈՒԹՅՈՒՆԸ

Հայաստանի գլխավոր դատախազությանը 40 մլն դրամ գումար կհատկացվի: ArmLur.am-ին հայտնի դարձավ, որ այդ գումարը տրվելու է ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության կողմից իրականացվող փորձաքննությունների ծառայությունների համար:

Պարզվում է՝ 2022 թվականի պետական բյուջեով փորձաքննությունների ծառայությունների համար նախատեսված ավելի քան 14,5 մլն դրամ գումարն ամբողջությամբ սպառվել է: Այս պահին ընդհանուր հաշվարկով ենթակա է վճարման 20 մլն 610 հազար դրամ գումար: Ավելին՝ առաջիկա 4 ամիսների ընթացքում անհրաժեշտ կլինի նվազագույնը եւս 20 մլն դրամի չափով գումար իրականացվող փորձաքննությունների ծառայությունների դիմաց վճարում կատարելու համար:

ԻՆՉԻՑ ԵՆ ՎԱԽԵՑԱԾ

Երկու օր առաջ վարչապետ Նիկոլ Փաշինյանը կառավարությունում հերթական հանդիպումն է ունեցել արտախորհրդարանական ուժերի ներկայացուցիչների հետ: Կառավարության տարածած հաղորդագրությունից տեղեկանում ենք, որ հանդիպմանը մասնակցել են «Հանրապետություն» կուսակցության նախագահ Արամ Սարգսյանը, Հայաստանի քրիստոնեաժողովրդավարական կուսակցության նախագահ Լեւոն Շիրինյանը, «Միասնական հայրենիք» կուսակցության նախագահ Միեր Տերտերյանը, Սոցիալ-դեմոկրատ հնչակյան կուսակցության Հայաստանի վարչության ատենապետ Սեդրակ Աճեմյանը, Հայաստանի եվրոպական կուսակցության նախագահ Տիգրան Խզմալյանը, «Ինքնիշխան Հայաստան» կուսակցության ղեկավար Դավիթ Սանասարյանը, «Ուժը հայրենյաց» կուսակցության նախագահ Տիգրան Արզաքանյանը: «Ժողովուրդ» օրաթերթը երեկ ամբողջ օրը փորձեց կապ հաստատել վերոնշյալ անձանց հետ ու պարզել՝ ինչ են քննարկել վարչապետի հետ: Մեզ միայն Խզմալյանի հետ խոսել հաջողվեց, մյուսները, ըստ երեւոյթին, ինչ-որ բանից վախենալով կամ կաշկանդվելով, խուսափեցին խոսել կամ կապի դուրս գալ: Շիրինյանը, օրինակ, լսելով, որ լրագրող է զանգահարողը, բավական անքաղաքավարի կերպով ցած դրեց հեռախոսը: ՍՊՀ-ից խոստացան՝ Աճեմյանն անպայման կկապվի ու կզրույցի մեզ հետ, Սամվել Բաբայանի կուսակցության ներկայացուցիչ Տերտերյանը կարդաց մեր՝ իրեն ուղղված հաղորդագրությունները, բայց ոչ Աճեմյանը, ոչ Տերտերյանը կապի դուրս չէկան մեզ հետ: Տիգրան Արզաքանյանի, Արամ Սարգսյանի ու Դավիթ Սանասարյանի հետ նույնպես կապ հաստատել չստացվեց: Ի՞նչ է ստացվում. Փաշինյանի հետ, ըստ երեւոյթին, մեծ սիրով հանդիպման գնացող քաղաքացիներ, որ հիմնականում պրոպագանդային կողմնորոշում ունեն, վախենում են շփվել լրագրողների հետ կամ էլ կաշկանդվում ու ամաչում են հանգամանքից, որ Փաշինյանի հետ են հանդիպում:

ԱՐՑԱԽՅԱՆ ՀԱՐՑ

7 ՀԻՄՆԱԿԱՆ ՏԱՐԲԵՐԱԿՆԵՐ

ՔՆՆԱՐԿՈՒՄ

Աժ մարդու իրավունքների պաշտպանության եւ հանրային հարցերի մշտական հանձնաժողովի նախագահ, անկուսակցական Թագուհի Թովմասյանը գրում է, որ երեկ խորհրդարանում հանդիպել է Հայաստանում Կարմիր խաչի միջազգային կոմիտեի պատվիրակության ղեկավար Թիերի Ռիբոնի հետ: Քննարկել են մեր գերիներին, անհետ կորածներին, Հայաստանի սահմանամերձ համայնքների բնակիչներին առնչվող կենսական հարցեր: Իր գործընկերներ պարոն Ռիբոնի եւ Հաղորդակցման եւ կանխարգելման ծրագրերի ղեկավար Զառա Ամատունու հետ անցկացրել են բավականին կարեւոր հանդիպում եւ արդյունավետ քննարկում:

ԵՎՐՈՊԱՆ ԿՄՐԱՐ

Եվրոպական լրատվամիջոցները կանխատեսում ու զգուշացնում են՝ մոտալուտ ցրտի հետ կարող է սաստկանալ նաեւ Արեւմուտքի երկրներում տիրող իրավիճակը: Բանն այն է, որ, պայմանավորված ռուս-ուկրաինական պատերազմով, ինչպես նաեւ «Հյուսիսային հոսք» գազատարի տուրքերի անսարքության հետեւանքով Ռուսաստանից Եվրոպա մատակարարվող գազի ծավալն էականորեն կրճատվել է: Դա լրջագույն խնդիրներ է ստեղծել Եվրոպացիների համար: Լրատվամիջոցները գրում են, որ Արեւմուտքի ժողովուրդները ստիպված են խանայողաբար օգտագործել վառելիքից ստացվող էներգիան՝ տան ջեռուցումից ընդհուպ լրգանք ընդունել: Մամուլը գրում է, որ առանձնատներում մարդիկ, այո, կարող են բուխարի վառել ու տաքանալ, եթե, իհարկե, կարողանան վառելավայտ ձեռք բերել: Ինչ վերաբերում է բնակարաններին, ապա կանխատեսվում է, որ այստեղ պետությունը ջերմաստիճանի հստակ սանդղակ կսահմանի (ըստ երեւոյթին, 15 աստիճան), ու մարդիկ ստիպված կլինեն ձմեռն անցկացնել այդ պայմաններում:

ՓՈԽԱՆՑՎԵԼ Է ՀԱՅԱՍՏԱՆԻՆ

Ադրբեջանը «Հայաստանին է փոխանցել խաղաղության համաձայնագրի ընդլայնված տարբերը», հայկական կողմը ժամանակ է վերցրել դրանց ծանոթանալու համար: Այս մասին հայտարարել է Ադրբեջանի արտգործնախարար Զեյնուլաբին Բայրամովը՝ Բիշքեկում հարցազրույց տալով ադրբեջանական հեռուստաընկերություններին: Նա Բիշքեկում Ադրբեջանի նախագահի գլխավորած պատվիրակության կազմում է: AzTV-ի հոդորդման համաձայն՝ Բայրամովն ասել է, որ ընդլայնված տարբերը լրացնում են նախկինում ներկայացված 5 հիմնական սկզբունքները, որոնք պետք է խաղաղության համաձայնագրի եւ Բաքվի ու Երեւանի միջեւ հարաբերությունները նորմալացնելու հիմքը հանդիսանան: Նա նշել է, որ «Ադրբեջանը շահագրգռված է Հայաստանի հետ բանակցությունների առաջընթացով», մասնավորապես խաղաղության համաձայնագիրը ստորագրելու, հաղորդակցության ուղիները բացելու եւ հայ-ադրբեջանական սահմանը սահմանազատելու համար: «Այս հարցերը հանդիպումների ընթացքում մշտապես բարձրացվում են, եւ Ադրբեջանը ներկայացնում է իր դիրքորոշումը», - ասել է նա: Բայրամովը հայտնել է, որ Հայաստանի եւ Ադրբեջանի միջեւ սահմանազատման հանձնաժողովի երրորդ նիստը պլանավորվում է անցկացնել հոկտեմբերին Բյուրսեղում:

1990-ականների վերջից մինչեւ 2020-ի դաժնեղ ժամանակահատվածում սեղանին դրված են եղել Արցախյան հարցի կարգավորման 7 հիմնական սարբերակներ, որոնք այս րենթացում սարբեր անվանումներ են ստացել: ArmLur.am-ը դարբերաբար կներկայացնի մինչեւ այս եղած սկզբունքներն ու հարցի կարգավորման սարբերակները, դրանց ձայնավորման դասճառները:

Փաթեթային եւ փուլային տարբերակները մերժելուց հետո ԵԱՀԿ Մինսկի խմբի համանախագահները 1998-ի Նոյեմբերին կողմերին առաջարկեցին Նոր տարբերակ: Նոր՝ «Ուղիանուր պետության» տարբերակում Ղարաբաղի կարգավիճակի մասին ասվում էր. «Լեռնային Ղարաբաղը հանրապետության ձեւի պետական եւ տարածքային կազմավորում է եւ Ադրբեջանի հետ միասին կազմավորում է «Ուղիանուր պետություն»՝ նրա միջազգայնորեն ճանաչված սահմաններում»: Այս տարբերակով եւս հայկական ուժերը պետք է դուրս բերվեին Լեռնային Ղարաբաղի հարակից տարածքներից՝ բացառությամբ Լաչինի: Փաստաթղթում առանձին կետերով նշվում էր, որ ադրբեջանցի փախստականները պետք է վերադառնան Շուշի, հայերը՝ Շահումյան:

Սակայն Ադրբեջանը «Ուղիանուր պետության» գաղափարը մերժում է: Հայաստանն ու Ղարաբաղը լուրջ վերապահումներով ընդունում են միջնորդների առաջարկած «Ուղիանուր պետության» տարբերակը՝ որպես բանակցությունների հիմք: Շատ է քննարկվում նաեւ Քի-ուես-



թյան տարբերակը, որը դեռ գաղտնագրված չէ: Ըստ առկա տեղեկատվության՝ այս տարբերակով Ղարաբաղը Լաչինի միջանցքով պետք է միացվեր Հայաստանին, իսկ Ադրբեջանը՝ Մեղրիի միջանցքով՝ Նախիջեւանին: Քի-ուեսթյան բանակցություններից սկսած՝ Ղարաբաղը որպես կողմ դուրս է

մնում բանակցային գործընթացից, իսկ բանակցությունների ժամանակ Հայաստանի նախագահի պաշտոնը զբաղեցնում էր Ռոբերտ Քոչարյանը: Հետագայում՝ արդեն բանակցությունների ընթացքում, միջնորդները Հայաստանին ու Բաքվին ներկայացնում են Մադրիդյան սկզբունքները:

ՕՐՎԱ ԽՃԱՆԿԱՐ

ԱՌԱՋՆԱՐԵՐԹ Է ՀԱՄԱՐՎՈՒՄ

Միացյալ Նահանգներն առաջիկայում շարունակելու է ակտիվորեն ներգրավված մնալ Հայաստանի եւ Ադրբեջանի հետ հարաբերություններում, այդ թվում՝ ամենաբարձր մակարդակներով: Նա հիշեցրել է Նյու Յորքում ԱՄՆ պետքարտուղար Էնթոնի Բլինքենի եռակողմ հանդիպումը Հայաստանի եւ Ադրբեջանի արտգործնախարարների հետ՝ ընդգծելով, որ սա վերջին ռազմական գործողություններից հետո առաջին հանդիպումն էր նման ձեւաչափով, ինչպես նաեւ պետքարտուղարի վերջին հեռախոսազանգերը ԱԳ նախարարներին: Բացի այդ, Փոլսից նշել է, որ ԵԱՀԿ Մինսկի խմբի ԱՄՆ համանախագահ, Կովկասյան բանակցությունների հարցերով ավագ խորհրդակցական Ֆիլիպ Ռիբոն ամենօրյա շփումների մեջ է թե՛ հայկական, թե՛ ադրբեջանական կողմի հետ: «Ուստի մենք շարունակելու ենք այս հարցում ներգրավված մնալ: Չեմ կարող խոստանալ հստակ արդյունք, սակայն կարող եմ խոստանալ, որ սա մեզ համար առաջնահերթություն է մնալու», - ասել է ԱՄՆ պետդեսպի խոսնակը:



չէր հաջողվել 50 տոկոսից ավելի ձայն ստանալ: «Ապրելու երկիր» եւ «Քաղաքացիական պայմանագիր» կուսակցությունները ստացել են 13-ական մանդատ, իսկ «Հայ ազգային կոնգրեսը» թե՛ չէր հաղթահարել անցողիկ շեմը, բայց օրենքի ուժով 1 մանդատ ստացավ, որովհետեւ, համաձայն օրենքի, համայնքի կառավարումը պետք է կազմված լինի երեք ուժից:

ության հետ կապերի վարչությունից: Կարգապետի աշխատակազմից նաեւ հայտնեցին, որ նման հանդիպումները կրում են պարբերական բնույթ: Հոկտեմբերի 9-ին հայտնի էր դարձել, որ Արցախի նախագահի գլխավորած պատվիրակությունը ժամանելու է Երեւան՝ ՀՀ իշխանությունների հետ քննարկելու Արցախի եւ Հայաստանի շուրջ ստեղծված իրավիճակը:

ՆՈՐ ԲԱՂԱՔԱՊԵՏ

Երեկ Ալավերդի համայնքի ավագանու անդրանիկ Նիստն էր: ArmLur.am-ը տեղեկացավ, որ այստեղ, ըստ նախնական պայմանավորվածության, համայնքապետ ընտրվեց «Ապրելու երկիր» կուսակցության թեկնածու Արկադի Թամազյանը: Հիշեցնենք՝ սեպտեմբերի 25-ին Ալավերդիում անցկացված ՏԻՄ ընտրություններում քաղաքական 4 ուժերից ոչ մեկին

ՀԱՆԳԻՊՈՒՄԸ ԿԱՅԱՑԵԼ Է

Երեւանում տեղի է ունեցել Հայաստանի վարչապետ Նիկոլ Փաշինյանի եւ Արայիկ Հարությունյանի հանդիպումը: Այս մասին հայտնեցին ՀՀ վարչապետի աշխատակազմի տեղեկատվության եւ հասարակա-

ԿՐԱՆԴԻՊԵՆ

Ռուսական կողմի նախաձեռնությամբ՝ հոկտեմբերի 14-ին Աստանայում նախատեսված է անցկացնել Հայաստանի, Ռուսաստանի ու Ադրբեջանի ԱԳ նախարարների հանդիպումը: Այս մասին հայտնեցին ՀՀ արտաքին գործերի նախարարությունից:

ԲԵՌՆԱՏԱՐԸ ՓՈԽՎԵԼ Է

ԲԱՑԱՌԻԿ ՄԱՆՐԱՄԱՄՆԵՐ՝ ՊԱՅԹՅՈՒՆԻՑ

ArmLur.am-ին հասած տեղեկությունների համաձայն՝ Ղրիմի կամրջի զայրույթի դեղձով Ազգային անվտանգության ծառայությունում կհարուցվի ֆրեական գործ: Ինչպես հայտնի է, ՀՀ գլխավոր դատախազությունը այս մասով գրություն է ուղարկել ԱԾ:

Ռուսաստանի քննչական ծառայության ղեկավարը հայտնել էր. «Արդեն պարզել ենք պայթած բեռնատարի երթուղին՝ Բուլդարի, Կրաստան, Յայաստան, Յուսիսային Օսիա, Կրասնոդար»: Բեռնատարի վարորդը եղել է Յայաստանի եւ Կրաստանի քաղաքացի Արթուր Թերջանյանը:

ArmLur.am-ին բացառիկ մանրամասներ են հայտնի դարձել այս գործից: Մասնավորապես, մեզ հասած տեղեկությունների համաձայն՝ Ղրիմի կամրջը պայթեցրած բեռնատար մեքենան Յայաստանից դուրս է եկել հոկտեմբերի 1-ին: Արդեն ՊԵԿ-ն էլ հայտնեց, որ մեքենան մանրագնի ստուգվել է, եւ որեւէ պայթուցիկ նյութ կամ կասկածելի առարկա չի հայտնաբերվել:

ՀՀ ուժային կառույցները, ArmLur.am-ին հասած բացառիկ տեղեկությունների համաձայն, պարզել են, որ Յայաստանով անցած բեռնատար մեքենան գնացել է Ռուսաստանի Դաշնության Կրասնոդարի երկրամասի Արմավիր քաղաք եւ այնտեղ փոխվել է, պայթուցիկ նյութերով բեռնվել եւ հասնելով Ղրիմի կարտերագույն կամրջին՝ պայթել է:

Իսկ ո՞վ է Յայաստանի քաղաքացի Արթուր Թերջանյանը: ArmLur.am-ին հայտնի դարձավ, որ նա Յայաստանի եւ Կրաստանի քաղաքացի է եւ բնակվում է Կրաստանի Ախլցխա քաղաքում: Նշենք, որ Յայաստանի Հանրապետության գլխավոր դատախազությունում ուսումնասիրվել են ՌԴ անվտանգության դաշնային ծառայության կողմից այսօր տարածված տեղեկությունները եւ զանգվածային տարբեր լրատվամիջոցներում առկա հրապարակումները: Հայտնել էինք, որ Ղրիմի կամրջի վրա ահաբեկչության գործով ձերբակալվել են 8 մարդ: ՌԴ հինգ քաղաքացի,



Ուկրաինայի 2 եւ Յայաստանի 1 քաղաքացի: Նկատի ունենալով, որ հրապարակումը պարունակել է առերեսույթ հանցանքի մասին վկայող տեղեկություններ՝ Գլխավոր դատախազությունը դրանք հասցեագրել է ՀՀ ԱԾ քննչական դեպարտամենտ՝ քրեական վարույթ նախաձեռնելու հարցը լուծելու հանձնարարությամբ:

Եւ, ահա, ArmLur.am-ի տեղեկություններով՝ այս դեպքում ՀՀ ԱԾ-ում քրեական գործ կհարուցվի՝ պարզելու մանրամասները: Հավելենք, որ ArmLur.am-ը իրավիճակին ծանոթանալու համար հեռախոսագրույց է ունեցել Ղրիմի հայկական համայնքի ղեկավար Գեորգի Հակոբյանի հետ:

«Ղրիմում իրավիճակը հանգիստ է, տեղի հայերը ավելի շատ մտահոգված են Յայաստանով»,- ArmLur.am-ին փոխանցեց Ղրիմի հայկական համայնքի ղեկավար Գեորգի Հակոբյանը: Հիշեցնենք՝ հոկտեմբերի 8-ին Ղրիմի կամրջի հատվածներից մեկում վառելիքով լի ցիստեռն էր պայթել: Կամրջի երկու ավտոմոբիլային հատվածները մասամբ փլուզվել են: Այժմ երթուղիները վերականգնվել է:

«Պայթյունի առաջին օրը ժողովուրդը մի քիչ խառն էր, բայց հիմա ամեն ինչ նորմալ է, հանգիստ, խնդիր չկա այստեղ: Մի քանի ժամ փակեցին, ստուգեցին, ու վերանորոգվում է ուժեղ տեմպերով: Ավտոմեքենաները գնում, գալիս են, երկաթուղին գործում է, ուտելիքը կա... Ամեն ինչ կարգին է, մի՛ անհանգստացեք: Ծիշտ է, իրադրությունը լարված է, բայց խուճապ չկա: Այստեղի հայերն ավելի շատ Յայաստանով են մտահոգված»,- ArmLur.am-ին ասաց Գեորգի Հակոբյանը:

ՔՆՍՐ ՄԱՆՈՒԿՅԱՆ

ԼՈՒՐԵՐ

ՓՈՐՉԵԼ Է ԿԱԽՎԵԼ

ArmLur.am-ին քիչ առաջ հայտնի դարձավ, որ ուշագրավ դեպք է եղել «Նուբարաշեն» քրեակատարողական հիմնարկում: Մեզ հասած տեղեկությունների համաձայն՝ դատապարտյալ Սամվել Ծաղկելոյանը պատուհանի ճաղակախակից փորձել է կախվել, սակայն բանտում աղմուկ-աղաղակ է եղել, խուց են շտապել Քրեակատարողական հիմնարկի ծառայողները եւ կարողացել են կանխել դատապարտյալի գործողությունները:

ԳՈՐԾԵՐԸ ՏԵՂԱՓՈԽՎԵՑԻՆ

Մեզ հայտնի դարձավ, որ ԱԺ «Հայաստան» խմբակցության ղեկավար, ՀՀ պաշտպանության նախկին նախարար Սեյրան Օհանյանի՝ ապօրինի գույքի բռնագանձման գործը, Երեւանի նախկին քաղաքապետ Գագիկ Բեգլարյանի, ԱԺ նախկին պատգամավոր Մանվել Գրիգորյանի դեմ Գլխավոր դատախազության՝ ապօրինի գույքի բռնագանձման գործերը Երեւան քաղաքի ընդհանուր իրավասության դատարանից տեղափոխվեցին Հակակոռուպցիոն դատարան:

Ի դեպ, գրել էինք, որ Գլխավոր դատախազությունն ու ԲԴԽ-ն ներքին զգվառոցի մեջ են: «Ժողովուրդ» օրաթերթի տեղեկություններով՝ վերջին շրջանում Գլխավոր դատախազությունը մեկը մյուսի հետեւից դատարան է ուղարկում ապօրինի ծագում ունեցող գույքի բռնագանձման մասով նախկին պաշտոնատար անձանց գործերը: Դատարանը դատախազության պահանջը վարույթ է ընդունում, որոշում, թե նախկին պաշտոնյաների գույքի վերաբերյալ գործերը Երեւան քաղաքի ընդհանուր իրավասության դատարանի քաղաքացիական գործեր քննող որ դատավորները պետք է քննեն: Գործը հասել է դատարան, սակայն դատարանում նիստերը չեն կայանում:

Ինչո՞ւ չեն կայանում նիստերը. պարզաբանման համար «Ժողովուրդ» օրաթերթը դիմեց Բարձրագույն դատական խորհուրդ, որտեղից մեզ պատասխանեցին. «Գործերը քննելու որեւէ միտում չկա: Հակակոռուպցիոն դատարանը նոր է ձեւավորվել, եւ, հետեւաբար, գործերը վարույթ ընդունելուց հետո սահմանված ժամկետներում կնշանակվեն նաեւ դատական նիստերի օրերը»: Պարզվում է, որ բոլոր գործերը չէ, որ Երեւան քաղաքի ընդհանուր իրավասության դատարաններն են քննելու: Մի մասը տեղափոխվելու են Հակակոռուպցիոն դատարան, որտեղ նոր նշանակված դատավորները դեռ կնիք ստանալու ու աշխատասենյակ ունենալու հարց են լուծում: Ինչ է ստացվում. դեռեւս 2018-ին վարչապետ Նիկոլ Փաշինյանի կողմից քանիցս շրջանառված թեզը, թե «թալանը կոպել առ կոպել» հետ են բերելու», դեռեւս համալիր գործընթացի չի վերածվում, ավելին՝ ձգձգվում ու դանդաղում է: Հիմա էլ կնիք չունեն:

Ք. ՄԱՆՈՒԿՅԱՆ

ԼՈՒՐԵՐ

ՄՊԱՆՈՒԹՅՈՒՆ

Մեզ հայտնի դարձավ, որ 2022 թվականի հունիսի 21-ին Արմեն Շահբաջյանը կնոջ՝ Գայանե Թովմասյանի, Երեւանում բնակվող ավագ որդու՝ Արման Շահբաջյանի, միջնեկ որդու՝ Աղաբեկ Շահբաջյանի, կրտսեր որդու՝ Կարեն Շահբաջյանի, հարեւան Լուսինե Հովսեփյանի եւ իր երկու գործընկերների հետ միասին իրենց պատկանող՝ Արարատի մարզի Նոր Խարբերդ համայնքի 29-րդ փողոցի 82/2-րդ հասցեում նշել են ծննդյան տարեդարձ: Ժամը 23:00-ի սահմաններում Կարեն Շահբաջյանը, Արմեն Շահբաջյանը եւ վերջինիս գործընկերներ Արսեն Բաղդասարյանն ու Արսեն Բարիսաքոյանը, գտնվելով ոգելից խմիչքի ազդեցության տակ, խոսակցություն են ունեցել 2020 թվականի սեպտեմբերի 27-ին Ադրբեջանի Հանրապետության կողմից ՀՀ-ի եւ Արցախի Հանրապետության դեմ սանձազերծված 44-օրյա ագրեսիվ պատերազմի ժամանակ մարտի դաշտը թողած զինծառայողների վերաբերյալ: Կարեն Շահբաջյանը, հանդիսանալով 44-օրյա պատերազմի մասնակից, վիրավորվել է արված արտահայտություններից եւ իր մոտ գտնվող դասակի սայրը պահել է Արսենի Բաղդասար-

յանի պարանոցին: Վիճաբանությանը միջամտել է Արման Շահբաջյանը եւ փորձել է Կարեն Շահբաջյանի ձեռքից վերցնել դասակը, որի ժամանակ վնասել է Արման Շահբաջյանի ձախ ձեռքը:

Հյուրերին ճանապարհելուց հետո Արմեն Շահբաջյանը որդու՝ Արման Շահբաջյանի ձեռքը դանակով վնասելու հարցի շուրջ տան ննջասենյակում վիճաբանության է բռնվել կրտսեր որդու՝ Կարեն Շահբաջյանի հետ, որի ժամանակ վերջինս, իր մոտ եղած դանակը ձեռքում պահած, անկանոն շարժումներ է կատարել: Արմեն Շահբաջյանը որդու ձեռքից վերցրել է դանակը, փակել է շեղքը եւ դանակի բռնակով, այնուհետեւ նաեւ բռնկեցներով հարվածներ է հասցրել Կարեն Շահբաջյանի գլխի եւ մարմնի տարբեր մասերին: Վիճաբանության ծայրերից քնից արթնացել է Գայանե Արկաղիկի Թովմասյանը եւ քաշելով ամուսնու ձեռքից՝ փորձել է որդուն պաշտպանել, որի ընթացքում որդին հեռացել է տանից, իսկ Արմեն Շահբաջյանն ապօրինաբար Գայանե Թովմասյանին կյանքից զրկելու դիտավորությամբ բռնկեցներով եւ ոտքերով, ինչպես նաեւ արմունկով բազմաթիվ ուժգին հարվածներ է հասցրել նրա կենսական կարևոր

օրգաններին, ապօրինաբար, դիտավորությամբ նրան զրկել կյանքից:

ՎՃԻՌ Է ՀՐԱՊԱՐԱԿՎԵԼ

ArmLur.am-ի հայտնի դարձավ, որ Անրի Սեդոյանին մեղադրանք է առաջադրվել այն բանի համար, որ նա 2020 թվականի նոյեմբերի 10-ին Երեւան քաղաքում բազմաթիվ անձանց հետ միասին մասնակցել է ջարդերով, գույք ոչնչացնելով եւ վնասելով զուգորդված զանգվածային անկարգություններին, ինչպես նաեւ նախնական համաձայնության գալով Կարեն Մարուքայանի հետ, ապօրինի մուտք գործելով ՀՀ կառավարության շենքի թիվ 218, 219 եւ 402 աշխատասենյակներ՝ կատարել է խոշոր չափերով ուրիշի գույքի բացահայտ հափշտակություն:

ArmLur.am-ի հետ զրույցում Անրի Սեդոյանի փաստաբան Արսեն Մկրտչյանը հայտնեց, որ Անրի Սեդոյանն առատագրված է դատապարտվել երեք տարի ժամկետով, իսկ Կարեն Մարուքայանը՝ 6,5 տարի:

Ք. ՄԱՆՈՒԿՅԱՆ

● Ըստ ոստիկանության տվյալների՝ հոկտեմբերի 11-ից 12-ը Յայաստանի Հանրապետությունում բացահայտվել է հանցագործության 41 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՇԻՆԱՐԱՐՈՒԹՅՈՒՆԸ ԳԱԿԱՐԵՑՎԱԾ Է

Տավուշի մարզի Նոյեմբերյան խոշորացված համայնքի սահմանամերձ Ոսկեպար գյուղում ՌԴ զինուժի համար արդեն կառուցված է զորակայան, որի կողքին ռուսական եռազույն դրոշի գույներով ներկված վագոն-տնակ է տեղակայված: Թեև այդ զորանոցը կառուցված է, սակայն այդտեղ դեռ աշխատանքներ կան կատարելու: Հավաքովի կոնստուկցիաներով զորակայանի գլխին կամ կողքին ծածանվող Ռուսաստանի պետական դրոշ չկա, զորակայանի կողքին տեղակայված են խոշոր բեռնատար, ամբարձիչ տրակտոր եւ մարդատար մի քանի ավտոմեքենաներ: Ոսկեպարի բնակիչները հայտնեցին, որ զորակայանը Ոսկեպար գյուղից էլեկտրաէներգիա չի ստանում. այն հավանաբար սնուցվում է դիզելային շարժիչով աշխատող էլեկտրակայանից: Նման հավաքովի զորակայան կառուցվում է նաեւ Տավուշի մարզի Բերդ խոշորացված համայնքի սահմանամերձ Այգեպար գյուղում խորհրդային ժամանակ գործած փոքր օդանավակայանի տարածքում:

Այգեպար բնակավայրի վարչական ղեկավար Արկադի Յամուկյանը հայտնեց, որ զորակայանի շենքն արդեն կառուցված է, սակայն ինքը չի կարող ասել, թե դեռ ինչ աշխատանքներ կան կատարելու, քանի որ ինքը չի առնչվում այդ շինարարությանը: Աշխատանքները կատարում է Գորիս քաղաքից շինարարական ինչ-որ կազմակերպություն, որպես բանվորներ կառուցապատմանը մասնակցում են Բերդ խոշորացված համայնքի տարբեր բնակավայրերի բնակիչներ: Նման զորակայան կառուցվում էր նաեւ Իջեան խոշորացված համայնքի Աջաջուր գյուղում գյուղ մտնող հիմնական ճանապարհից ձախ գտնվող տարածքում: Աջաջուր բնակավայրի վարչական ղեկավար Կարեն Մալթախչյանը հայտնեց, որ տեղական ժամանակ է, ինչ այդ զորակայանի կառուցման աշխատանքները դադարեցված են:

Մինչ այժմ Աջաջուր տարածքում զորակայանի կառուցման քիչ աշխատանքներ են կատարել, որոնց մասնակցել են Իջեան համայնքի Բերքաբեր, Լուսաձոր գյուղերից, այլ բնակավայրերից բանվորներ: Աջաջուր վարչական ղեկավարը չգիտի, թե որն է շինարարության դադարեցման պատճառը, աշխատանքները կշարունակվեն, թե ոչ: Աջաջուր եւս զորակայանի շինարարությունը կատարել է Գորիսից շինարարական կազմակերպությունը: Ռուսաստանի զինուժի ներկայացուցիչները չեն հայտնում, թե որն է լինելու Տավուշի մարզում տեղակայվող ռուսական զինուժի առաքելությունը: Պաշտոնապես հայտարարվել է, որ ռուսական զինուժը Տավուշի մարզում է գտնվում հայ-ռուս ռազմական համագործակցության պայմանագրի շրջանակներում: Ենթադրվում է, որ ռուսական զինուժի ներկայացուցիչների միջոցով է առաջիկայում իրականացվելու Տավուշում հայ-արդրեջանական սահմանի սահմանազատումը եւ սահմանագծումը: Ռուսական զինուժը Տավուշի մարզում տեղակայվեց 2021 թվականի օգոստոսի սկզբից:

ՈՍԿԱՆ ՍԱՐԳՅԱՆ
Տավուշ

ԱԿԻԱՏՈՄՍԵՐ

ԽՆԴԻՐՆԵՐ՝ ՏՈՒՐԻԶՄԻ ՈԼՈՐՏՈՒՄ

Մեղսենբերի 13-ից հետո, երբ Ադրբեջանը ռազմական նոր ագրեսիա իրականացրեց Հայաստանի դեմ, սուրիզմի ոլորտում մի քանի խնդիրներ են ի հայտ եկել: Այս մասին ArmLur.am-ի հեռուգրություն ասաց Մեխակ Ադրեայանը: Բացի այս, իր հերթին ոլորտի վրա ազդեցություն ունեցան նաեւ Մոսկվա-Հայաստան ավիասոսի գները, որոնք շեշտակի բարձրացան ՌԳ նախագահ Վլադիմիր Պուտինի՝ մոբիլիզացիա հայտարարելուց հետո:

ՀՀ էկոնոմիկայի նախարար Վահան Զերոբյանը շտապեց թվեր հրապարակել՝ Նշելով, որ սեպտեմբեր ամսին Հայաստան այցելել է 198 հազար 74 զբոսաշրջիկ, իսկ առաջին 9 ամիսներին այս թիվը կազմել է 1 մլն 240 հազար: Շատերը կասկածի տակ դրեցին Զերոբյանի հրապարակած թվերը՝ նկատելով, որ մոբիլիզացիայից հետո Հայաստան այցելածները ոչ թե զբոսաշրջիկ են, այլ պատերազմի չմեկնելու համար են եկել:

Տուրիզմի հայկական ֆեդերացիայի (ՏՀՖ) նախագահ Մեխակ Ապրեսյանի խոսքով՝ նրանք օգտակար զբոսաշրջիկ չեն մեզ համար, որովհետեւ մարզեր չեն գնում, տարբեր վայրեր, այդ գումարները չի բաշխվում ամբողջ ինդուստրիայով մեկ:

«Այս մարդկանց նպատակը ոչ թե պահպանված հանգիստն է, այլ մոբիլիզացիայով պայմանավորված են եկել, եւ նրանց շրջագայելու հավանականությունը այդքան մոտ չէ: Բայց սեպտեմբեր, հոկտեմբեր ամիսները համարվում են ակտիվ սեզոն զբոսաշրջության համար, եւ թեթեւեղ իրադարձությունները չլինեն, ապա մենք կարող էինք ավելի շատ զբոսաշրջիկ ունենալ: Տոմսերի գները զգալի բարձրացան: Այդ գներով զբոսաշրջիկը չէր գալու, 5000 կամ 1000 դոլար չէին տա տոմս գնելին ու գային: Նրանք սովորական գներով տոմսերը գնելու էին եւ ավելի շատ էին ծախսելու, շատ էին շրջագայելու, եւ նրանցից օգուտն ավելի մեծ էր լինելու»,- նկատեց Մեխակ Ապրեսյանը: Մասնագետի խոսքով՝ մեր երկրում կազմակերպված տուրիզմը դեռ կայուն չէ, քանի որ Եվրոպայից, Ամերիկայից, Ճապոնիայից, Հինաստանից չունենք այդքան այցելություններ:



Նշենք, որ մոտ 20-օր չաշխատելուց հետո Զերմուկի հյուրանոցներն են բացվել: Ծիշտ է, արդեն մի քանի օր է, ինչ հյուրանոցները բաց են, բայց ամրագրումները քիչ են: Հյուրանոցներից ArmLur.am-ին փոխանցեցին, որ օտարերկրացի հյուրեր ունեն, բայց նրանց թիվը փոքր է: Տուրիզմի հայկական ֆեդերացիայի (ՏՀՖ) նախագահ Մեխակ Ապրեսյանի կարծիքով՝ գործադիրը պետք է միջոցներ ձեռնարկի շատ արագ վերականգնելու այցելությունները: «Պետք է միջոցներ ձեռնարկել նորից միջազգային շուկային համոզելու, որ Զերմուկում անվտանգ է, գրավիչ է, գեղեցիկ է, հաճելի է:

Պետք է աշխատանքներ տանել դիվանագիտական ուղիներով, որպեսզի այն երկրները, որոնք իրենց քաղաքացիներին հորդորել էին չգնալ Վայոց ձորի, Գեղարքունիքի, Սյունիքի մարզեր, իրենց հայտարարությունները փոխեն»,- նկատեց մեր գրուցակիցը: Բացի այս, մեզ հայտնի դարձավ, որ հյուրանոցային ծառայությունների սակագները բարձրացել են: Մասնագետի խոսքերով՝ այս իրավիճակով, համաշխարհային զարգացումներով, ռուս-ուկրաինական ճգնաժամով պայմանավորված՝ գնաճ կա. «Գումարած սրան դուրսի ու եվրոյի արժեզրկումը դրամի նկատմամբ: Դա նշանակում է, որ ծառայությունների գները 30 տոկոսով աճել են»:

ՆՅՈՒՆԷ ՀԱՍԱՐԱՂՈՒՅԱՆ

ԼՈՒՐԶ ԽՆԴԻՐՆԵՐ

ՆԱԽԱԳՊՐՈՑԱԿԱՆ ԾԱՌԱՅՈՒԹՅՈՒՆ

Հայաստանում այս դահին շուրջ 236000 նախադրոցական սարիֆի երեխաներ (որոնցից 62.000-ը՝ գյուղական համայնքներում) ընդգրկված չեն նախադրոցական ծառայության մեջ: Այս մասին ասուլիսում հայտնեց ՀՀ կրթության, գիտության, մշակույթի եւ սպորտի նախարարի տեղակալ Ժաննա Անդրեասյանը:

Նրա խոսքով՝ վերջին 2 տարիները, պայմանավորված համավարակով, բավականին բարդ էին նախադրոցական կրթության համար: Եթե դպրոցներում հնարավոր էր անցնել հեռավար կրթության, ապա նախադրոցական կրթության համակարգի համար եղան լուրջ խնդիրներ երեխաների ընդգրկվածության մասով:

«2020-21 թվականներին որոշակի սահմանափակումներով էինք երեխաներին ընդգրկում համակարգ, ուստի վերջին 2 տարիների տվյալները չեն արտացոլում համակարգի իրական հզորությունը»,- ասաց նա: ԿԳՄՍՆ փոխնախարարի խոսքով՝ 2019 թվականի ավարտին նախադրոցական կրթության ոլորտում կար 0-5 տարեկան երեխաների 34,7 տոկոս ընդգրկվածություն, ընդ որում՝ 3-5 տարեկան երեխաների ընդգրկվածությունը կազմել է 64.4 տոկոս: «2020 թվականին շուրջ 6 տոկոսով աճել է 3-5 տարեկան երեխաների ընդգրկվածության հնարավորությունը՝ շնորհիվ նոր բացված նախակրթարանների եւ նոր հաստատությունների: 2020 թվականին շուրջ 22 հաստատություն է բացվել, որոնք սկսել են գործել նա-

խադրոցական կրթություն տրամադրելու համար»,- ասաց Անդրեասյանը, բայց շեշտեց, որ խնդիրը դեռ առկա է: Երեւանի 40 մանկապարտեզներում հրդեհատեխնիկական հետազոտություններ են կատարվել: Նա հիշեցրեց, որ կառավարության ծրագիրը հստակ սահմանում է, որ պետք է մինչեւ 2026 թվականը 3-5 տարեկան երեխաների ընդգրկվածությունը 85 տոկոսի հասցնել, իսկ կրթության զարգացման պետական ծրագիրը մինչեւ 2030 թվականը հստակ սահմանում է, որ պետք է երեխաների ընդգրկվածությունը հասցնել 95 տոկոսի: Նախատեսվում է 500 մանկապարտեզներ վերակառուցել կամ կառուցել: Այս պահին 92 մանկապարտեզներում աշխատանքներ են ընթանում:

● Անցած 1 օրվա ընթացքում Հայաստանի Հանրապետությունում արձանագրվել է 11 ՃՏՊ. 15 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆՆԵՐ

Ի ԳԻՏՈՒԹՅՈՒՆ ՀԱՍԱՐԱԿՈՒԹՅԱՆ (1)

«ՄԱԳՆԱԿ ՍՈԼԱՐ» ՍՊ ընկերությունը մտադիր է դիմել ՀՀ հանրային ծառայությունները կարգավորող հանձնաժողով՝ ընկերության՝ ՀՀ Գեղարքունիքի մարզի Շողակաթ համայնքում կառուցված «Արե-1» արելային էլեկտրակայանից առաքվող էլեկտրական էներգիայի սակագնի սահմանման հայտով: Առաջարկվող սակագինը՝ 25.052 դրամ/կՎտժ (առանց ԱԱՀ): Հեռ.՝ (+374) 77 17 19 72: Հասցե՝ ՀՀ, ք. Երեւան, Ադոնցի փ., 8 2., 170 տարածք, Երեւան, Կարապետ Ուլենցու 31/2:

Ի ԳԻՏՈՒԹՅՈՒՆ ՀԱՍԱՐԱԿՈՒԹՅԱՆ (2)

«ՄԱԳՆԱԿ ՍՈԼԱՐ» ՍՊ ընկերությունը մտադիր է դիմել ՀՀ հանրային ծառայությունները կարգավորող հանձնաժողով՝ ընկերության՝ ՀՀ Գեղարքունիքի մարզի Շողակաթ համայնքում կառուցված «Արե-2» արելային էլեկտրակայանից առաքվող էլեկտրական էներգիայի սակագնի սահմանման հայտով: Առաջարկվող սակագինը՝ 25.052 դրամ/կՎտժ (առանց ԱԱՀ): Հեռ.՝ (+374) 77 17 19 72: Հասցե՝ ՀՀ, ք. Երեւան, Ադոնցի փ., 8 2., 170 տարածք, Երեւան, Կարապետ Ուլենցու 31/2:

Ի ԳԻՏՈՒԹՅՈՒՆ ՀԱՍԱՐԱԿՈՒԹՅԱՆ (3)

«ԶԻԷՄԻ ԵՎ ԶԻԻԴԻ ԷՆԵՐՋԻ» ՍՊ ընկերությունը մտադիր է դիմել ՀՀ հանրային ծառայությունները կարգավորող հանձնաժողով՝ ընկերության՝ ՀՀ Արագածոտնի մարզի Արագածոտն համայնքում կառուցված «Զիեմի և Զիիդի Էներջի» արելային էլեկտրակայանից առաքվող էլեկտրական էներգիայի սակագնի սահմանման հայտով: Առաջարկվող սակագինը՝ 25.052 դրամ/կՎտժ (առանց ԱԱՀ): Հեռ.՝ (+374) 77 17 19 72: Հասցե՝ ՀՀ, ք. Երեւան, Ադոնցի փ., 8 2., 170 տարածք, Երեւան, Կարապետ Ուլենցու 31/2:

Ի ԳԻՏՈՒԹՅՈՒՆ ՀԱՍԱՐԱԿՈՒԹՅԱՆ (1)

«ԱՐՏՍՈԼԱՐ» ՍՊ ընկերությունը մտադիր է դիմել ՀՀ հանրային ծառայությունները կարգավորող հանձնաժողով՝ ընկերության՝ ՀՀ Գեղարքունիքի մարզի Շողակաթ համայնքում կառուցված «Արտսոլար» արելային էլեկտրակայանից առաքվող էլեկտրական էներգիայի սակագնի սահմանման հայտով: Առաջարկվող սակագինը՝ 25.052 դրամ/կՎտժ (առանց ԱԱՀ): Հեռ.՝ (+374) 77 17 19 72: Հասցե՝ ՀՀ, ք. Երեւան, Ադոնցի փ., 8 2., 170 տարածք, Երեւան, Կարապետ Ուլենցու 31/2:

ՊԵՏՐՅՈՒՋԵԻ ՄԻՋՈՑՆԵՐՈՎ

ՎԵՐԱԿԱՆԳԻՎՈՒՄ ԵՆ ՄՇԱԿՈՒՅԹԻ ՀՈՒՇԱՐՁԱՆՆԵՐ

Պատմության և մշակույթի հուշարձանների վերակառուցման 2022թ. ռեզյուլտատների ցուցանիշները ցուցաբերում են իրականացված մի քանի հուշարձանների վերակառուցման աշխատանքներ:


ՀՀ Տավուշի մարզի Դիլիջան համայնքի Հ. Շարամբեյանի անվան ժողովրդական արվեստների թանգարանի նորոգման և ամրակայման, Գոշ համայնքի Գոշավանքի Սր. Աստվածածին եկեղեցու տանիքածածկերի նորոգման, ՀՀ Լոռու մարզի Քոբայր կայարանի Քոբայրավանքի սեղանատան վերակառուցման և Ալավերդի համայնքի Սանահին վանական համալիրի Սր. Ամենափրկիչ եկեղեցու նորոգման և ամրակայման աշխատանքներն այժմ ընթացքի մեջ են:

Հուշարձանների վերակառուցման ծրագրում, որպես հրատապ անհրաժեշտություն, տարվա ընթացքում ավելացել են ՀՀ Կոտայքի մարզի Չարենցավան համայնքի «Ճանապարհաշինարարներ» (Անվերջության ժայռակառուց) հուշարձանի տարածքի լուսավորության ցանցի անցկացման և ՀՀ Լոռու մարզի Լոռի բերդ ամրոցի պարսպի հյուսիսարևելյան հատվածի ամրակայման և մասնակի վերակառուցման աշխատանքները:

ՀՀ ԿԳՄՍ Նախարարության պատմության և մշակույթի հուշարձանների պահպանության վարչության ներկայացուցիչները պարբերաբար այցել են կատարել վերակառուցվող հուշարձաններ տեղում աշխատանքային խնդիրների քննարկման և ավարտվածության աստիճանի վերահսկման նպատակով:

Դիլիջանի Հովհաննես Շարամբեյանի անվան ժողովրդական արվեստի թանգարան

ՀՀ Տավուշի մարզի Դիլիջան համայնքի Հովհաննես Շարամբեյանի անվան ժողովրդական արվեստի թանգարանի մասնաճյուղի (կառուցված 19-րդ դարի վերջում) վթարային վիճակը հաշվի առնելով՝ ԿԳՄՍ Նախարարությունը նախաձեռնել է շենքի վերակառուցումը: Աշխատանքների ավարտը նախատեսվում է 2024 թվականին: Այս տարի նախատեսված է իրականացնել հողային, հիմքերի ուժեղացման և նոր պատերի կառուց-



Վերականգնվող աշխատանքներն ընթանում են բնականոն հունով՝ համաձայն ժամանակացույցի, և ներկա պահին կատարված է աշխատանքների ամբողջ ծավալի մոտ 70 տոկոսը:

Քոբայրավանքի սեղանատուն

10-13-րդ դդ. հիմնադրված ՀՀ Լոռու մարզի Քոբայր ե/գ կայարանի Քոբայրավանքի հատվածում սեղանատան վերակառուցման աշխատանքներն ընթանում են ծրագրին համաձայն: Չնայած բարձրադիր և դժվարամատչելի դիրքին՝ աշխատանքներն ընթանում են ըստ ժամանակացույցի և կավարտեն 2023 թվականին:

Սանահին վանական համալիրի Սր. Ամենափրկիչ եկեղեցի և Լոռի բերդ ամրոցի պարսպ

ՀՀ Լոռու մարզի Ալավերդի համայնքի Սանահին վանական համալիրի Սր. Ամենափրկիչ եկեղեցու նորոգման աշխատանքների իրականացման ընթացքում ծածկասալերի քանդման աշխատանքներից հետո առաջացել է լրացուցիչ աշխատանքների իրականացման անհրաժեշտություն:

Լոռի բերդ ամրոցի պարսպի հյուսիսարևելյան հատվածի ամրակայման և մասնակի վերակառուցման աշխատանքները մեկնարկել են ամռանը:

Վերականգնվող աշխատանքներն ընթանում են բնականոն հունով՝ համաձայն ժամանակացույցի, և ներկա պահին կատարված է աշխատանքների ամբողջ ծավալի մոտ 70 տոկոսը:

Ավարտված աշխատանքներ

ՀՀ Տավուշի մարզի Գոշ համայնքի Գոշավանքի Սր. Աստվածածին եկեղեցու տանիքածածկերի նորոգման և ՀՀ Կոտայքի մարզի Չարենցավան համայնքի «Ճանապարհաշինարարներ» (Անվերջության ժայռակառուց) հուշարձանի տարածքի լուսավորության ցանցի իրականացման աշխատանքներն ավարտված են:

Վերակառուցման և նորոգման աշխատանքների ընթացքում առաջացած խնդիրների լուծումն իրականացվում է ՀՀ ԿԳՄՍ Նախարարության պատմության և մշակույթի հուշարձանների պահպանության վարչության, որակի տեխնիկական և հեղինակային հսկողություն իրականացնող կազմակերպությունների ներկայացուցիչների հետ միասին:

ՀՐԱՊԱՐԱԿԱՅԻՆ ԾԱՆՈՒՅՈՒՄ

«Բիէմի» ՍՊԸ-ն (այսուհետ՝ Կազմակերպիչ) «Ալսոն» ԱՀ Բորսայի հարթակում շարունակելու է «Ամերիաբանկ» ՓԲԸ-ին սեփականության իրավունքով պատկանող հետևյալ լոտի բաց աճուրդը՝ Նշված մեկնարկային գնով:

- Արմավիրի մարզ, համայնք Ակնախիճ, Խնուսի փողոց, 8 հասցեում գտնվող 1844.7 ք.մ. անասնաշենք, 121.7 ք.մ. անասնաշենք, 421.3 ք.մ. անասնաշենք, 24.1 ք.մ. պահեստ, 32.7 ք.մ. պահեստ, 293.6 ք.մ. ծածկ, 293.6 ք.մ. ծածկ, 18.9 ք.մ. / 37.8 ք.մ. / պարսպ և 1.034 հա հողամաս: Լոտի մեկնարկային գինը՝ 35000000 ՀՀ դրամ:

Աճուրդի փուլերը՝ հոլանդական եղանակով, ք. Երեւան, Սայաթ-Նովա պողոտա, 40 շենք, թիվ 82/31 հասցեում 17.10.2022թ.-ին, ժ. 12:00-ին, այսուհետև աճուրդի յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, սույն վայրում, սույն ժամին: Աճուրդի ավարտը՝ 30.12.2022թ: Աճուրդի մասնակցության նախաձեռնումը սահմանված է գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնումը վճարվում է «Բիէմի» ՍՊԸ-ի դրամարկումաճուրդի կայացման հասցեում, ՀՀ օրենսդրությամբ սահմանված կանխիկ շեմը չգերազանցելու դեպքում, կամ բանկային հաշվին («Արդշիբանկ» ՓԲԸ-ում՝ 2470103374150000 հաշվառմամբ) կամ կազմակերպչի կողմից տրված այլ հաշվառմամբ: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ և Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաև նախաձեռնողի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ և աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնումը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախաձեռնումը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախաձեռնումը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնումը: Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչև աճուրդի ավարտը, յուրաքանչյուր աշխատանքային օր, ժ. 10:00-ից մինչև 18:00-ն, այցելել վերը նշված հասցեով և ծանոթանալ լոտի հետ՝ այցելությունը նախապես համաձայնեցնելով Կազմակերպչի հետ: Սույն ծանուցումը կարող է փոփոխվել մասնավոր հրապարակվելու միջոցով: Աճուրդների անցկացման կանոնակարգին կարող էք ծանոթանալ և անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.llcbst.am, www.akson.am կայքերը:

«ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



Էջը՝ ՌՈՋԱ ՊՈՂՈՍՅԱՆԻ

ԿԱՐԳ

ՀԱՐՑ. Ի՞նչ փաստաթղթեր են դահանգվում ամուսնության բացակայման մասին Տեղեկանք սրամադրելու համար:

Հասմիկ Փիրումյան (32 տարեկան)



ՊԱՏԱՍԽԱՆ. Տեղեկանք ստանալու համար անձամբ դիմում ներկայացնելու դեպքում նախարարություն են ներկայացնում անձը հաստատող փաստաթուղթ: Այն դեպքում, երբ անձը նախկինում գտնվել է գրանցված ամուսնության մեջ, նաև տվյալ ամուսնության փաստը դադարելու հանգամանքը հավաստող փաստաթուղթ, պետական տուրքի վճարման անդորրագիր:

- Լիազորված անձի միջոցով դիմելու դեպքում՝
- 1) անձը հաստատող փաստաթուղթ,
 - 2) հայցողի անձը հաստատող փաստաթղթի պատճենը, հայցողի կողմից տրված պարզ լիազորագիր,
 - 4) պետական տուրքի վճարումը հավաստող անդորրագիր,
 - 5) այն դեպքում երբ տեղեկանք հայցող անձը նախկինում գտնվել է գրանցված ամուսնության մեջ, նաև տվյալ ամուսնության փաստը դադարելու հանգամանքը հավաստող փաստաթուղթ:

ՀՀ արդարադատության նախարարություն

«ԺՈՂՈՎՈՒՐԳ». Ամուսնության բացակայման մասին տեղեկանքը տրամադրվում է Նույն աշխատանքային օրը:

ՍՈՑԻԱԼԱԿԱՆ

ՀԱՐՑ. Ո՞րն է մահվան դեպքում գրանցման հիմքը:

Տիգրան Դանիելյան (54 տարեկան)



ՊԱՏԱՍԽԱՆ. Անձի մահը ենթակա է գրանցման առանց ժամկետային սահմանափակման:

- Մահվան պետական գրանցման հիմքերն են՝
- 1) բժշկական կազմակերպության կամ բժշկի տված՝ մահը հաստատող սահմանված ձևի փաստաթուղթը,
 - 2) անձի մահվան փաստի հաստատման կամ անձին մահացած ճանաչելու մասին դատարանի՝ օրինական ուժի մեջ մտած վճիռը,
 - 3) «Նոտարիատի մասին» օրենքով սահմանված կարգով Նոտարի հաստատած իրավաբանական փաստի մասին Նոտարական ակտը:

ՀՀ աշխատանքի

և սոցիալական հարցերի նախարարություն

«ԺՈՂՈՎՈՒՐԳ». Մահվան պետական վկայականը թղթային կրիչի վրա տրամադրում են Հայաստանի Հանրապետության արդարադատության նախարարության քաղաքացիական կացության ակտերի գրանցման սպասարկման կենտրոնները:

ԼՈՒՐ ԿԱՐԴ

Լուսանկարն արվել է Լոռու մարզում



Արդեն մի քանի ամիս է՝ Լոռու մարզի Արջուտ գյուղի բնակիչներից արդարացիորեն բարձրաձայնում են, որ մի քանի տարի է՝ փորձել են Լոռու մարզպետարանից, Շրջակա միջավայրի նախարարությունից ստանալ հստակ պատասխան, թե, ի վերջո, ինչն է պատճառը, որ Լոռու մարզպետարանն ու Շրջակա միջավայրի նախարարությունը լուծում չեն տալիս այն խնդիրն, որը վերաբերում է աղբահանությանը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:


ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 12.10.2022
Պատկեր: Պատկերակրի մեջքը, Գ. Կարսյան, 4 հազար թվական 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: